

rato, quemadmodum de loco, tempore, personis operis accurate egit Procl. l. l. p. 3. quorum quae huc pertinent suo singula loco dicemus. — ξυνουσίας. Non perpetuam solum, quo sensu apud scriptores Atticos reperitur sexcenties, magistri discipulorumque significat hoc nomen consuetudinem, sed etiam singulos, veluti hic, coetus et scholas. V. Heindorf. ad Lysid. p. 22. et de Legg. II. ab initio ἢ καὶ τι μέγεθος ἀφελείας — ἐνεστι τῇ κατ' ὀρθὸν χρεία τῆς ἐν οἴνῳ ξυνουσίας. — ὑπὸ σοῦ ξενισθέντας — μὴ οὐ προθύμως ἀντεφροστιάων. Structurae hic Platoni haud insolita permutatio pro ξενισθέντων, εἰ μὴ προθύμως ἀντεφροστιάωμεν. Similiter de Legg. X. p. 189.: οὐδὲ ὅσιον ἔμοιγε εἶναι φαίνεται τὸ μὴ οὐ βοηθεῖν τούτοις τοῖς λόγοις πάντα ἄνδρα κ. δ. Alterius vero hic scriptionis ἀνταφροστιάων patrociniū a Proclo susceptum compilavit Schol. Leid. l. l. ubi est: Ἀνταφροστιάων φησὶν ἀλλ' οὐκ, id quod suo textui frustra intulit Stephanus, ἀνθεστιάων· ἢ γὰρ ἀφροστίας τὴν ὀλοτελή τῆς ἐστιάσιως ἀποπλήρωσιν συνείληφεν. Quae vox si est graeca, similis erit voci ἀφοσιῶσθαι, sed in malam quodammodo partem accipi possit de officio, quo quis si non invitus, cum contemptu certe defungitur, id quod hinc est alienum. — Ἄρ' οὖν μὲ μνησθε. Proclus habet ἄρ' οὖν οὐ μ. quod suo Ficinus more expressit *num recordemini*, cuius *num* hic tam est ineptum, quam omnino negatio οὐ, nondum enim ceteri a Socrate petierant, ut quae prius dixisset memoriae causa repeteret. — ὅσα ὑμῖν ἐπέταξα. Cum ed. Berolin. recepimus quidem ὑμῖν invitis codicibus, sed haud scimus an rectius retineatur antiquius ἡμῖν, primum quod eo vis verbi ἐπιτάττειν more Attico lenitur, tum quia, sicuti quae insequuntur docent, partem disputationis vere profligarat Socrates ipse: nam quae hic per capita repetuntur, ea sunt amplius exposita in libris de Rep. aliis sane praesentibus personis.

4. ἵνα βεβαιωθῇ μᾶλλον παρ' ἡμῖν. Sic Procl. cum codd. optimis. Ficino tamen interpretanti, *ut nobis iterum confirmentur* praeter alios suffragatur cod. Lobc. Sed praeterquam quod verbum βεβαιῶν significatione sua iterationem excludit, quam retinimus vox μᾶλλον spectat quae iidem paulo ante dixerunt, partim quidem se meminisse, quae dixisset Socrates, partim vero non